

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Imm. 02 Siulittaasup nalunaarutaa

Aningaasaqarnermut tunngasut

Imm. 03 Powerbi

Suliassat nalinginnaasut

Imm. 04 Nunaqarfimmi aqutsisuni ilaasortat Ipad pisaarnissaannut siunnersuut

Imm. 05 Seqqaaviup nuunneqarnissaanut siunnersuut

**Imm. 06 Nunatta pissarititaanut pinngortitamullu atorluaanerulernissaq pillugu
saaffiginnissut**

Imm. 07 Paasissutissiissutit / Ilisimatitsissutit

Imm. 08 Tamalaat.

Ataatsimiinneq aallartippoq nal. 13.00

Peqataasut:

Atassut

Albrichtine Lyngé

Naleraq

Jens Lyberth

Siumut

Barnabas Larsen

Nalunaaruteqarlutik peqataanngitsut:

Nalunaaruteqaratik peqataanngitsut



Imm. 01 Oqaluuserisassat akuersissutigineri

Aalajangiineq

Akuerineqarput



Imm. 02 Siulittaasup nalunaarutaa

Tusaatitut tiguneqarput



Imm. 03 Powerbi

J.nr.01.00.04

Maleruagassatigut tunngavissat

Karseqarnikkut Qeqqata Kommunια-ta maleruagassaa.

Innersuussut

Innersuussutigineqarpoq ilaasortanit tusaatissatut tiguneqassasut.

Aalajangiineq

Tusaatissatut tiguneqarput



Imm. 04 Nunaqarfimmi aqutsisuni ilaasortat Ipad pisaarnissaannut siunnersuut

J.nr.

Tunuliaqutaq:

Nunaqarfimmi aqutsisut Ipad-taarnissaannut qinnuteqaat oqaluuserisassanngortitsisoq ilaasortaq Jens Lyberth.

Nunaqarfimmi aqutsisunut ilaasortat qarasaasiamik Ipad sulinerminni atugassaannik nunaqarfimmi aqutsisutigoorlugu pisisoqassasoq.

oqaatigerusuppara tassunga tunngasumik misissuinnginnama taama ittunik nioqqutigineqartunik aamma qanoq akeqarneri nalugakkit.

Taamaammat ajornanngippat allaffikkoortumik nalunngisaqarunik ataatsimiinnissamut takussutissanik paasiniaasinnaappata qujanassaluapoq.

Pissutsit atuuttut:

Maannamut Qeqqata Kommunia-ni nunaqarfiit tamarmik nuunaqarfimmi aqutsisut Ipad-qartinneqanngillat.

Innersuussut

Allaffeqarfiup innersuussutigaa, ilaasortanit oqallisigineqassasoq aalajangiisoqarlunilu

Aalajangiineq

Misissorneqareerpat isummerfigeqqinneqarumaarpoq



Imm. 05 Seqqaaviup nuunneqarnissaanut siunnersuut

J.nr.27.03.04

Tunuliaqutaq:

Seqqaaviup nuunneqarnissaanut siunnersuut, oqaluuserisassanngortitsisoq siulittaasoq Barnabas Larsen.

Kangaamiuni annanut seqqaaviup nuunnissa qanoq naleqartigissanersoq apeqqutigineqarpoq, Illu sulliviup (service hus) eqqannguaniittup annanut seqqaavik ulimukarnerani Kangaamiut sissaanut tippussuussuarpoq, aammalu tipi kujasinnerusortaani malunnartaqaluni. Siusinnerusukkut eqqartorneqarniuvoq iliveqarfiup aqutaata ataatungaatigut isunnguit ungataatungaagut sanasoqassappat qanormita naleqassava?

Maannakkut pissutsit annat puukui Kangaamiut aqquernat naavillugu eqqakkanik poortuivimmut eqqaavissuarmut assartorneqartarput, tassannganiillu aallarutilerneranni kujammukaasorneqartarlutik. Taavani sanasoqartuuppat aqqusaartukkat tipilu tamarmik piissagalarput. aammalu assartuinerujussuaq annikillisinneqarujussuassagalarluni.

Innersuussut

Allaffeqarfiup innersuussutigaa, oqallisigineqassasoq sanaartugassanullu kissaatinut ilanngunneqassasoq

Aalajangiineq

Nunaqqatigiinnut saqqummiunneqarnissaa aalajangiunneqarpoq



**Imm. 06 Nunatta pissarititaanut pinngortitamullu atorluaanerulernissaq pillugu
saaffiginnissut**

J.nr.

Tunuliaqutaq:

Nunatta pissarititaanut pinngortitamullu atorluaanerulernissaq pillugu qinnuteqartoq Anna Karen Hofmann oqaluuserisassatut siulittaasumit Barnabas Larsen-mit akuersissutigineqarpoq.

Qinnuteqaammik ingerlatitseqqiisoq Kangaamiuniissaaq 6.Maj 2024 Kangaamiuniinnermini nunaqqatigiinnut nunatta pissarititaannik, pinngortitamillu atorluaanerulernissaq pillugu saqqummiinissaminut periarfissaqarpoq, Gruppe-kkaarlunilu suliaqartitsilaarnissamut sammisaqartitsilaarnissamullu nunaqqatigiinnut neqeroorsinnaavoq.

Nalinginnaasumik nal.18.30-21.00 tungaanut ingerlakkajuppaa kisiannili allatut ingerlanneqarsinnaanera isummerfigineqarsinnaavoq. nalinginnaasumik 2½ timer taannalu ingerlakkaanni aki: **6.000,00 kr**

Meeqqanut assigiinngitsunik sammisasaqartitsisinnaavoq atorluaanermik tunngasunik, mingutitsinnginnissamik siunertalimmik atorluaanermik, assigiinngitsunillu assassortitsineq, igatitsineq, nunamilu pinngortitamik atuisitsinermik imaqarsinnaasumik.

Ulluni marlunni katillugit akunnerni 8-ni ingerlanneqarsinnaavoq akilu taamatulli **6.000,00 kr** Annertussuseqarluni. saniatigut sammisaqartitsinermi atortussat aqqissuisut pissarsiarisassaat, soorlu igaassat assassortitsinissamullu atortussat pissarsiarineri – pissarsiarineqarsinnaanngitsut neqeroortumit pisiarineqarsinnaapput.

Innersuussut

Allaffeqarfiup innersuussutigaa saaffiginnissut ilaasortanit oqallisigineqassasoq

Aalajangiineq

Nunaqqatigiinnoortortaa akuerineqarpoq

Meeqqanut atuarfik saaffigineqassaaq



Imm. 07 Paasissutissiissutit / Ilisimatitsissutit

- Allaffiup pisortaata nalunaarutaa qaammat Marts 2024
- Nunaqarfimmi aqutsisut ataatsimiinneranni imaqarniliaq 13.Marts 2024
- Peqatigiiffit siulersuisuisa ataatsimiitinneqarneranit imaqarniliaq
- Apeqqummut akissut / Hudson Ressources
- KAPP ataatsimiinnerani imaqarniliaq



Imm. 08 Tamalaat.

- 25.April 2024 “Oqalliffik” ingerlanneqalerpat sanaartugassatut kissaatit nunaqqatigiinnut saqqummiunneqassapput



*Nunaqarfimmi aqutsisut 17.april 2024 ataatsimiinnera
nal.13.00 004/24*

Ataatsimiinneq naammassivoq nal.14.05

